

Ministerio di asuntunan Social

y Infraestructura riba

Importancia di Infraestructura pa Desaroyo Economico

ORANJESTAD(AAN):-- Infraestructura ta esencial pa logro oportunidadnan di desaroyo realistico, aunke bo por bisa cu desaroyo di infraestructura no ta un resultado final riba su mes.

Pues, cu desaroyo di Infraestructura minister drs. Marisol Lopez-Tromp kier logra tambe otro obhetivonan manera desaroyo economico. Esaki minister drs. Marisol Lopez-Tromp a expresa for di inicio di Gabinete Oduber III ora cu el a stipula den su maneho cu e kier logra un desaroyo di infraestructura cu ta sostene un clima di inversion atractivo pa yega na un crecimiento economico duradero. Esaki den cuadro di su vision pa hisa calidad di bida di tur hende cu ta biba na Aruba.

Den cuadro di desaroyo di infraestructura Gobierno no solamente ta pone tereno disponibel, construi carera of instala servicionan di utilidad manera awa, coriente y telefon, sino tambe Gobierno ta desaroya e area di un forma pa logra otro obhetivonan manera:

Hisa accesibilidad di centro-nan comercial pa eleva e eficiencia di actividadnan comercial

Mehora comunicacion entre zonanan pa entre otro aumenta actividadnan comercial

Mihor uso di nos recursonan, manera recursonan natural y humano en especial den comparacion cu regionnan of islanan cu ta competi cu Aruba. Na final un bon infraestructura mester ta di un calidad halto



y cu base amplio pa carga crecimiento di poblacion y actividadnan economico.

Infraestructura ta necesario pa crecimiento economico y un mihor uso di recursonan di Aruba. Un bon infraestructura ta stimula aumento den inversion, creacion di cuponan di trabao y consequentemente entrada di impuesto mas halto. Tur esakinan ta hiba na elevacion di condicionnan di bida di tur hende y reduccion di pobresa.

Ministerio di Asuntunan Social y Infraestructura ta kere cu un bon infraestructura ta importante y ta contribui na desaroyo economico cu mester cuadra cu e necesidadnan social, demografico y di medio ambiente.

Parlamentario Zulay van

Poppel-Marquez

Bon noticia cu construccion di Centro di Husticia na Sta Cruz y Warda di Polis na Noord lo baha gasto di gobierno

ORANJESTAD (AAN): Segun Parlamentario mr. ing. Zulay van Poppel-Marquez di MEP, e tratamento di e proyecto di ley cu ta regla e apoderacion pa Ministro di Husticia sr Rudy Croes por sera un contract sobrepasando 5 aña, manera ta stipula den nos ley di Contabilidad, a haya continuacion ayera, 21 di augustus. Den e ultimo reunion di Parlamento riba 11 di juli ultimo Parlamento a suspende e tratamento di e proyecto di ley aki sperando riba conseho di e departamento di Finanzas.

Ayera Parlamento a atende un "Bijeenkomst" durante cual Ministro di Husticia a duna informacion na Parlamento encunto e proyecto di ley pa apoderacion, y encunto e dos edificacion pa warda di Polis na Sta Cruz y warda di Polis na Noord.



E meta tras di construccion di e dos edificacion ta pa den futuro Gobierno mes bira doño di su mes edificacion, lo finalisa e contractnan pa huurmento di edificio y lo baha gasto di Gobierno. E meta aki ta contrario na e actonan di Gobierno anterior cu a perhudica pais Aruba. Den e edificacion nobo diferente departamento cu ta cai bao Ministerio di Husticia lo worde ubica y concentra. Rapport di CAD fecha 17 di april 2003 ta conseha pa gobierno construi su propio edificacion eliminando asina


diferente contract cu lo yuda gobierno baha gasto.

Den e edificio pa un Centro di Husticia cu lo worde construi na Sta Cruz lo ubica diferente departamento cu ta cai bao di ministerio di Husticia, cual ta directie CBJAZ, directie Wetgeving, departamento di Casinowezzen, bureau di Ministro di Husticia y e warda di polis pa Sta Cruz. Ademas lo tene cuenta cu espacio pa e helicopter cu lo por bin den futuro.

E edificio pa warda di polis na Noord lo cubri un area di 1690 m2 y lo inclui celnan cu lo cumpli cu normanan internacional.

Parlamentario Zulay van Poppel-Marquez ta indica cu e construccion di e Centro di Husticia y e warda di polis lo duna gobierno un ahoro di alredecor di mey milyon Florin pa aña, compara cu e gastonan actual. E proyecto di ley cu ta regla e apoderacion na Ministro di Husticia ta indica cu Gobierno lo no sobrepasa e suma reserva den e presupuesto di 2003 pa paga huur. Construccion di e dos edificacion ta baha gasto di gobierno den e situacion financiero dificil cu pais Aruba ta confrontando.

LA VIDA ES UN CARNAVAL!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Bed Sheet

pa 2 persona

Afl. 11,95